

Այսոցիկ այսպէս եղելոց ապաքէն գտանել գտան արք
ոմանք հոյակապք եւ իմաստասէրք, որոց ոչինչ կարծիս
երկմտութեան 'ի միտս բերեալ, փոյթ կալան 'ի գրի հար-
կանել զդէպս իւրաքանչիւր ժամանակի, զբազմադէտ
վիշտս եւ զխաղաղաւէտ կեանս, զբերկրանս հոյակապ
չինուածոց, եկեղեցեաց եւ վանօրէից, եւ զհոյս կրօնաւորա-
կան դասուց փայլեալ 'ի նոսին: Այլ եւ 'ի յաւերումն եւ 'ի
քանդումն, զտխրաթախիծ սուգս եւ տարաշխարհիկ վտա-
րանջումն կղերաց, այլովքն հանդերձ. թողեալ յիշատակ
յաւերժական եւ գանձ ցանկալի 'ի բարգաւաճանս ազգի
եւ կրօնի իւրեանց: Այլ չեղեւ ինչ փոյթ գէթ միում 'ի
ճոցանէ հարեւանցի իմն ակն արկանել 'ի կրօնաւորս Հայոց
եւ յարարս նոցա, եւ եթէ եղենն, այնք եւս մասնակի եւ
աննպաստ, այլ իւրաքանչիւր ոք ջանաց զիրն պանծա-
ցուցանել զգործ:

Ապաքէն իղձ մեծէր տեսանել զայսպիսիս ոմանս փայ-
լեալ յազգի մերում, նախանձաւորս այնպիսի փառաց եւ
պարծանաց, թողլով առ յապայս մատենան կարեւորս
առ այս գործ պիտանի եւ օգտակար՝ որպէս նոքայն. այլ
աւա՛ղ, չհասին 'ի ձեռս մեր այսպիսի իրաց մանրապատում
իրք: Զի թերեւս՝ ժամանակացն դառնութիւնք չետուն
սլարապ յայսպիսիս պատազիլ. եւ կամ եթէ սլարապեցանն,
գուցէ նոցին գործք եւ երկք 'ի կորուստ մատենցան: Այլ
'ի վերայ այսր ամենայնի նշմարեն տակաւին հատուածք
բանից արեւալ յէջս տոհմային Մատենագրաց, եւ հատա-
կոտոր բանք աւանդեալ յայլ եւ այլ թղթեանս 'ի ցրիւ:
Եւ թէպէտ երեւեցաւ 'ի յետին ժամանակս գրքոյկ ինչ
մակագրեալ Պատմութիւն կամ Ստորագրութիւն սուրբ
Երուսաղէմի, այլ չեղեւ բաւական տալ յազուրդ հե-
տախոյզ եւ բանասէր մտաց, 'ի խնդրել եւ 'ի հետազո-
տել զհանգամանս արկածից դիպեալս 'ի պէսպէս ժամա-
նակս:

Զայս ամենայն եւ առաւել քան զսոյնս յուշի կտակալ,
անվեհեր ձեռն արկի յայս գործ տաժանակիր, չհայեցեալ
'ի տկարութիւն անձինս, այլ փստահեալ 'ի շնորհս Տեառն,
որ զօրացուցին է յամենայնի, սկիզբն արարի յածել եւ
թարթափիլ յայլ եւ այլ գիրս եւ 'ի մատենան, որոնել եւ 'ի